



# 370 Sjúkrakostnaðartrygging vegna dvalarleyfis

samanber 55. gr. laga um útlendinga nr. 80/2016.

## VÁTRYGGINGARSKILMÁLAR

### 1. Hugtök og þeir sem eru vátryggðir.

- 1.1 Í skilmálum þessum hafa eftirtalin hugtök eftirfarandi merkingu:
  - a. **félagið**, TM tryggingar hf.,
  - b. **vátryggingartaki**, sá er gerir vátryggingarsamning við félagið um sjúkrakostnaðartryggingu,
  - c. **vátryggður**, sá sem samkvæmt vátryggingarsamningi á rétt á að krefjast bóta.
- 1.2 Vátrygging þessi gildir fyrir þann einstakling sem tilgreindur er sem vátryggður á vátryggingarskírteini.

### 2. Vátryggingartímabil.

- 2.1 Ábyrgð félagsins hefst þegar félagið hefur móttekið umsókn um vátrygginguna, að því tilskildu að umsókninni verði ekki hafnað á grundvelli upplýsinga um áhættuna, ásamt því að iðgjald hafi verið greitt sbr. (samanber) 3. gr. (grein) enda hafi dvalarleyfi verið gefið út og vátryggður er kominn til landsins sbr. 54. gr. laga um útlendinga nr. (númer) 80/2016. Ábyrgð félagsins lýkur þegar vátryggður öðlast aðild að sjúkratryggingum almennatrygginga sbr. lög nr. 112/2008 en þó aldrei síðar en á lokadegi sem tilgreindur er í vátryggingarskírteini.
- 2.2 Ef dvalarleyfi vátryggðs er afturkallað á ábyrgðartímanum fellur vátryggingin úr gildi á þeim degi sem afturköllun tekur gildi. Vátryggingin fellur einnig úr gildi ef vátryggður flyst af landi brott.
- 2.3 Vátryggingin endurnýjast ekki.

### 3. Greiðsla iðgjalds.

- 3.1 Iðgjaldið skal greitt áður en vátryggingin tekur gildi, en greiðsla iðgjaldsins er skilyrði þess að ábyrgð félagsins hefjist.
- 3.2 Iðgjaldið telst ógreitt hafi vátryggingartaki ekki greitt það að fullu eða samið sérstaklega við félagið um greiðslu þess áður en vátryggingin skal taka gildi skv. (samkvæmt) 2. gr.
- 3.3 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.
- 3.4 Vátryggingartaki getur því aðeins sagt vátryggunni upp að því tilskildu að ábyrgð félagsins skv. gr. 2.1 hafi ekki hafist. Endurgreiðist þá iðgjaldið að öðru leyti en því að sá hluti þess sem felst í umsýslugjaldi við að stofna vátrygginguna og tilgreindur er í vátryggingarskírteini endurgreiðist ekki.

### 4. Landfræðileg mörk.

- 4.1 Vátryggingin gildir á Íslandi.

### 5. Gildissvið vátryggingarinnar.

- 5.1 Vátryggingin nær til sjúkrakostnaðar vegna neyðaraðstoðar sem vátryggðum er veitt í kjölfar skyndilegra veikinda eða slyss.
- 5.2. Með sjúkrakostnaði vegna neyðaraðstoðar í skilningi greinar 5.1 er átt við eftirfarandi kostnað sem vátryggðum er gert að greiða vegna:
  - a. þjónustu heilsugæslustöðva,
  - b. þjónustu sjúkrahúsa sem hið opinbera rekur,
  - c. þjónustu sérgreinalækna, tannlækna, sjúkráþjálfara, iðjuþjálfra og talmeinafræðinga enda sé þjónustan veitt samkvæmt tilvisun eða að beiðni læknis á sjúkrahúsi sem hið opinbera rekur eða heilsugæslustöð,
  - d. brýnnar og nauðsynlegrar viðurkenndrar læknismeðferðar erlendis sem ekki er unnt að veita hér á landi enda liggi fyrir staðfesting íslenskra heilbrigðisyfirvalda um að meðferðina sé ekki unnt að veita hér á landi,
  - e. nauðsynlegra lyfja sem lækni hefur ávísað enda hafi lyfið markaðsleyfi hér á landi,
  - f. sjúkraflutninga.
- 5.3 Með neyðaraðstoð í skilningi greinar 5.1 er átt við læknishjálp og heilbrigðisþjónustu sem hinu opinbera er skylt að veita samkvæmt lögum um heilbrigðisþjónustu nr. 40/2007 og veitt er af hinu opinbera á Íslandi við skyndileg veikindi eða slys sem koma upp hjá vátryggðum meðan hann telst ekki sjúkratryggður samkvæmt lögum um sjúkratryggingar.



# 370 Sjúkrakostnaðartrygging vegna dvalarleyfis

samanber 55. gr. laga um útlendinga nr. 80/2016.

## VÁTRYGGINGARSKILMÁLAR

### 6. Takmarkanir á bótaskyldu.

#### 6.1 Félagið greiðir ekki kostnað:

- a. sem greiddur er af hinu opinbera samkvæmt lögum um sjúkratryggingar eða reglugerðum settum samkvæmt þeim,
- b. vegna slyss sem orðið hefur áður en váttrygging þessi tók gildi, nema að félaginu hafi verið kunnugt um það við töku váttryggingarinnar,
- c. vegna sjúkdóms sem fyrst hafði sýnt einkenni áður en váttrygging þessi tók gildi, nema að félaginu hafi verið kunnugt um það við töku váttryggingarinnar,
- d. vegna sjúkdóms sem rót á að rekja til neyslu áfengis, ávana- eða fíkniefna,
- e. vegna ryskinga eða þátttöku í refsiverðum verknaði,
- f. vegna slysa sem verða í keppni í hvers konar íþróttum, nema sérstaklega hafi verið um það samið gegn viðbótariðgjaldi og þess er getið á váttryggingarskírteini,
- g. vegna slysa er verða í hnefaleikum, hvers konar glímu, akstursíþróttum, drekaflugi, bjargsigi, froskköfun, fallhlífarstökki, teygjustökki, fjallabruni, svifflugi, listflugi, einkaflugi, hvers konar klifri svo sem fjallaklifri, ísklifri og klettaklifri, eða annarri álíka tómsundaiðkun eða keppni sem sérstök áhætta fylgir,
- h. vegna slyss eða sjúkdóms sem beint eða óbeint verður af völdum stríðs, óeirða, uppþota, verkfallsaðgerða eða annarra sambærilegra atburða,
- i. vegna slyss eða sjúkdóms sem beint eða óbeint verður af völdum kjarnorku, jónandi geislunar, geislavirkra efna, jarðskjálfta eða eldgoss svo og annarra náttúruhamfara,
- j. vegna tjóns vegna hvers konar líffræðilegra áhrifa og/eða eitrunar, þ.m.t. (þar með talið) vegna sýkla og veira, af völdum hryðjuverka,
- k. vegna hvers konar tjóns, beins eða óbeins, sem rekja má til asbests.

### 7. Ákvörðun bóta.

- 7.1. Í hverju tjónstilviki greiðist sú fjárhæð sem váttryggður hefur greitt vegna þeirrar læknishjálpar og heilbrigðisþjónustu sem váttryggingin tekur til skv. 5. gr. að frádreginni þeirri fjárhæð sem hann í hverju tilviki hefði þurft að greiða lögum samkvæmt ef hann hefði verið sjúkratryggður. Dæmi: Ef kostnaður vegna lækniþjónustu nemur 75.000 krónum og lögmælt greiðsluþátttaka sjúkratryggðs einstaklings vegna þjónustunnar nemur 7.000 krónum nema bætur úr váttryggingunni 68.000 krónum (75.000-7.000) áður en tillit hefur verið tekið til eigin áhættu váttryggðs skv. 8. gr.
- 7.2. Kostnaður umfram viðmiðunargjaldskrár sjúkratryggingarstofnunar eða reglugerðar um greiðslur fyrir heilbrigðisþjónustu er ekki greiddur úr váttryggingunni.

### 8. Váttryggingarfjárhæð og eigin áhætta.

- 8.1 Váttryggingarfjárhæðin, sem eru hámarksbætur í hverju tjóni og samanlagt á váttryggingartímabilinu er tilgreind í váttryggingarskírteini.
- 8.2 Váttryggður ber eigin áhættu sem kemur fram á váttryggingarskírteini vegna samanlagðs kostnaðar þeirra bótabátta sem eru innan gildissviðs váttryggingarinnar. Þannig kemur ekki til greiðslu úr váttryggingunni fyrr en eigin áhættan er að öllu leyti uppurin.

### 9. Svik og rangar upplýsingar.

- 9.1 Hafi váttryggingartaki eða váttryggður við gerð váttryggingarsamnings sviksamlega eða með öðrum hætti vanrækt skyldu sína til að veita félaginu upplýsingar um atvik sem haft geta þýðingu fyrir mat þess á áhættunni og váttryggingaratburður hefur orðið fellur ábyrgð félagsins niður í heild eða að hluta, sbr. 20. gr. váttryggingarsamningalaga. Rangar og ófullnægjandi upplýsingar veita félaginu ennfremur rétt til að segja váttryggingunni upp, sbr. 21. gr. laganna.
- 9.2 Veiti sá er hyggst krefja félagið bóta rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum váttryggingarsamningum sínum við váttryggðan eins og nánar greinir í 47. gr. váttryggingarsamningalaga.



# 370 Sjúkrakostnaðartrygging vegna dvalarleyfis

samanber 55. gr. laga um útlendinga nr. 80/2016.

## VÁTRYGGINGARSKILMÁLAR

### 10. Tilkygning um tjón.

10.1 Þegar tjón er orðið skal váttryggður tafarlaust tilkynna félaginu um atvikið. Vanræksla á skyldum váttryggðs getur varðað lækkun eða missi bóta samkvæmt 28. gr. laga um váttryggingarsamninga.

### 11. Greiðsla bóta og vextir.

11.1 Krefjast má greiðslu bóta 14 dögum eftir að félagið átti þess kost að afla þeirra gagna sem þörf var á til að meta váttryggingarburðinn og ákveða fjárhæð bóta. Váttryggður á rétt á vöxtum af kröfu sinni skv. 50. gr. váttryggingarsamningalaga.

### 12. Lög um váttryggingarsamninga.

12.1 Að öðru leyti en kveðið er á um í skilmálum þessum, váttryggingarskírteini eða öðrum gögnum, sem váttryggingarsamningurinn byggir á, gilda um hann lög um váttryggingarsamninga nr. 30/2004.

### 13. Meðferð ágreiningsmála og varnarþing.

- 13.1 Verði ágreiningur um váttrygginguna skal íslenskur dómstóll skera úr honum samkvæmt íslenskum lögum.
- 13.2 Ágreiningi varðandi váttryggingarsamning og bótaskyldu félagsins að öðru leyti má skjóta til úrskurðarnefndar í váttryggingamálum. Upplýsingar um nefndina og starfshætti hennar má fá hjá félaginu.
- 13.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af váttryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af váttryggingunni á heimilisvarnarþingi váttryggingartaka.
- 13.4 Heimili félagsins og varnarþing er í Reykjavík.

## Skráning í tjónagrunn Creditinfo Lánstrausts hf.

Tjón sem tilkynnt eru til váttryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við váttryggingarsvikum og ofgreiðslu váttryggingabóta. Skráðar eru upplýsingar um kennitölu tjónþola, tjónsnúmer, tegund váttryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins váttryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 1.apríl 2022.